



硯思集 小山疆詩選



濟南 田同之 在田

今體詩卷三

慈氏寺



一帶長河水灣環古佛蹤磬散浮遠岸帆影上孤
松落葉殘僧跡西風下院鐘前塵無復挽空憶妙
高峯

振河閣

閣中思渺：閣下水沄：倚檻秋風外遙看鹿角
雲荒烟落沙磧畫角亂榆粉觸目情何極千帆下

夕曛

鹿角關名

顏魯公祠在城北長河西岸舊為逆璫魏忠賢生祠前司空程公改建

魏之瞻北郭云是魯公祠一代平原績千秋德水

涯孤忠標日月芳蹟占榱榭快煞司空老能刊正

氣碑

幽窓寄興

孤懷寐：馮誰遣磊塊空餘酒量加幸得一牕增

快友瓦盆恠石冷梅花

懷壽莘谷

相共三年別曾無一紙書逢人頻問訊知爾復何

如越水浮踪遠方山落月虛勞：結詩草空付夢

魂餘

過中和道人指南菴

迤邐平原嶺遙光挹翠嵐中公停錫處深樹指南

菴磬落幡幢靜香餘草木酣重来聽法雨閣影倒

空潭

晏城道中懷方蕉衫

故人牽昔夢空復數遙程寒柳藏鴉滿疎林落磬

清峰迴灤源道雪霽晏公城此地曾同轡茫：千

里情

濟上懷金小邨

秋風秋草正迷離又是棠川雁影時黃葉青山回

首處水西亭上憶論詩小邨以余論秋史黃葉青山句謬許訂交

七橋風月共淹留遺跡空尋白雪樓今日相思隔

南北夢魂猶自溯寒流

贈峻五克明

第五名原好今來名士鄉清襟開北渚絕調溯漁

洋月落華泉碧樓空白雪香錦囊看滿貯不負挹

秋光

高唐道中

豆蔓蒼花野意涼征車轆轤過高唐參差擁樹雲

千疊嘹唳書天雁一行無復巖間高士跡祇餘望

裏翠岵岡客懷不盡間憑吊鳴犢河邊又夕陽

荏平道中

垂：官柳颺秋痕三十長亭愴客魂一種摧藏言

不得斜風細雨仲連村

雨中望嵒華兩山

數載征車獨往還每從眼底認荆關今朝烟雨真

堪畫恰在華山與嵒山

中秋泉上感興

星光雲影映泉珠詩思冷：鄉思孤底事月明偏
戀客中秋五度濯纓湖

夜來香五絕句

滿地金波映玉華恍聞風散七香車筠籃擷翠今
宵裏消受安南一樹花

澹碧輕黃出世姿香羅鳳尾晚粧宜氤氲月帳消
魂處天上人間又一時

濯錦園吊程司空

將陵文物盡寒烟惟遣司空異代傳一羽威占鳴
鳳日三川望重撫軍年東林名姓媿元祐熹廟衣

冠仰大賢不盡風徽猶可溯清音喬木草堂前

懷峻克明客錢唐

湖上峯巒好登臨信有因東風千里客楊柳六橋
春蘇白空芳躡鶯花接錦茵遙知吟興劇應憶濟
南人

臨清訪謝四溟故蹟

一代眇君子清淵餘故鄉我来尋舊蹟春水正茫

茫無復衣冠繼猶傳里巷香四溟所居名香巷詩人兼俠

客千載憶河梁四溟以詩才受知趙王名標七子又以布衣而力脫盧柙於難故有

俠客之稱

題五友坪

坪開五友供石氣不相侵
振觸昔人跡悲搖今日
心雨雲多變態磊塊少
知音題罷一長歎鳥鳴來
碧岑

過故總制南園

千章綠柳抱溪村地接城南有故園
金碧樓臺爭側目露華烟月總銷魂
江東霸氣今何在趙土豪情莫更論
玉樹一枝復蕉萃空餘砂礫颺朱門

甲辰春暮重来濟上感懷

載酒題襟事已非灤源門外送春歸
牽情柳色還

旖旎過眼山光尚翠微
五載池塘殘夢冷七橋風雨故人稀
重来不盡關懷處芳草連雲澹夕暉

哭故友王寄堂司馬

青年已現宰官身赤紱風流軼等倫
維水不留司

馬跡江州偏有玉樓因

寄堂罷官萊州近又以九江訪友致病纏綿衆勸不

歸蓋前

少陵詩格先春夢待詔書名隔世塵太息

人琴今已矣伯牙無復憶湖濱

寄堂詩學工部書法衡山

十載僑居占灤源今朝歸去有誰論
冷風雨香詩思靡鶯花空酒痕
剩事不堪馮望眼殘山何處與招魂
鶻啼鬼嘯城南路腸斷荒榛破寺門

重過大明湖

湖上東風客又過夕陽偏映綠楊多
低回廿載銷魂處萬縷千條奈若何

湖上答同人索書

少負毛錐癖年來百感生木天方不愧鴻海亦徒
名敝帚迎人意勞薪愴我情頭顱况如許齒冷蔡
剛成

重寓準提菴題壁

衆峰排雉堞遠影映禪關近市客常到臨池僧自
閒菴僧能書茗烟出蒼翠花雨淨潺湲今日重投止青

衫愧昔顏

由東流水過張氏漪園即事

溯彼東流岸來遊復此園青帘仍照水白雀尚應
門廿載樓臺蹟羣賢翰墨存婆娑池上柳回首益
銷魂

讀蓮洋詩

廿載名聞天章子今朝方讀蓮洋詩心花意雨神
來處秋水明霞江上時渺々華嚴自如是陳々膏
沐將何為漁洋別有泰同契萬里崑崙非盡辭
乙巳生日感懷賦得公車猶自滯東方

公車猶自滯東方
回首淒迷翰墨場
披拂門風慚一硯
銷沈萱影泣三霜
桃燈還憶鷹韝脫
伏櫪何堪馬齒長
屈指知非年已近
幾番寤辟嘆昂藏

題海右陳人集後

誰從風雅採江岷
葦粟叢中一望新
落杜韓空逝水紛
元白亦迷津
輕材枉自輕前輩
櫟植何能颺後塵
墨氣通靈千載上
應知海右有陳人
盧村先生云如正夫始可與談墨氣

故城道中

水繞村烟柳映堤
驅車往復歷亭西
雲連甲第魚

鱗碧影落帆檣雉
堞迷都御散名空
漫葉駟卿風雅但
沙溪甘陵郭外頻
回首麥浪油：落照低

鄭圃感懷

鄭圃余外祖中翰蘇公故里也東園勝概舊擅風流二十年来

荒烟蔓草矣感成四首

鄭家圃上捻銷魂
回首西州不忍論
漠：村烟夕陽裏
居人猶說舊東園

綠壁紅亭錦樹新
廿年風雨已成塵
園中剩有閑花草
一任流鶯吊暮春

爐香茗椀憶前脩
辛苦橫經此地留
一樹垂楊青未改
春風閒煞讀書樓

勝事當年擬白蘇烏絲紅袖畫屏紆前塵零落風
流絕留得西齋夜話圖先司農公嘗遊鄭圃下榻
西齋與外祖流連唱咏繪
圖紀勝一時
傳為佳話

送胡士瞻歸武林

別來今一載事去枉追攀藥竈予方苦麻衣君復
還迴瀾空衛水寒影落吳山兩地相思切從茲雲
樹間

德州竹枝辭

將陵城上亂雲橫將陵城外野花明滿前風物爭
傳說四海三山十二城

重邱四望少園林亭榭樓臺何處尋只有長河一
帶水往來帆影落城陰

牛羊日夕下荒墩撩亂寒烟繞坵村四姓遺來相
聚處至今猶上祿王墳

四郭迷漫沙磧開人家一半住黃埃春風秋雨無
聊甚聽取鳴：畫角來

送盧抱孫之官洪雅

舊雨兼今雨年來意倍親風流豈同調水乳信前
因抱孫見贈詩有一脉文章關
兩姓可知水乳屬前日之句送汝神仙吏嗟予
捐操人一尊香離思悵衛河濱

聖主思循吏君因蜀道行遙應諸父老日望使君
旌地以斯文重源同洛水清令尊翁曾任偃師縣漢庭書上
考卓魯又重名

西江老詩客於此號涪翁寂莫一千載篇章今許
同蠶屋印竹碧山雨海棠紅相映官簾靜清吟落
照中

雅江分小縣城郭萬峰遮人是王楊輩官排屈宋
衙清音千古作明月一樓斜記取來鴻日殷勤寄
蜀茶

禹城道中感懷

十里烟波落木殘禹王臺下路漫漫碧雲遙補暮
山缺紅樹密臨秋水寒踪跡徒勞尋舊雨心情那
可問遊冠西風回首添惆悵驢背情騰夢已闌

再過濟南即事吊寄堂一首

剪紙招君：可憐空遺幽恨惜華邊頽垣破屋連
三櫬冷雨淒風已四年寄堂夫婦並其太夫人三柩尚寄于觀音寺之一室中弱
弟依人馮白眼孤兒無地守青檀慙予潦倒難援
手滿目寒雲意惘然

寄同年孫公懷

予方休夏日君廢蓼莪詩踪跡那堪問情懷何處

宜玉堂朋輩聚席帽弟兄岐別緒愁難穩蕭蕭雁
過時

春草堂漫興

寂：荒城春事宜謝公墩畔訪遺馨飄零故紙紫
魚壁爛熳新雲覆馬廳門外尚餘溪水碧池南無
復草痕青斜陽老樹迎人立空對東風揚子亭

初春胡士瞻址上過訪即此賦別

蘇：長河漾晚晴衡門深閉綠苔生隴西佳客來
何處薊北春風又此行今雨銷沉芳草路離愁紛
放小壺城陌頭弱柳難持贈青眼臨歧空復情

寄懷任開宗

曾共山樓賦翠微六年心跡兩相違移君幕府誰
爭長老我烟霞自息機草滿客亭春寐：月明曷
海夢依：一番舊雨牽懷抱日向庭南數雁飛

輓儲杞雲

一第雖羸尚未官忽聞靈旆返江干孤帆落日魂
何處十載名場事已闌夢斷春明悲杜宇影沉罨
畫憶芳蘭遺來水榭詩猶在泪眼滌洄取次看

送歌者歸吳門

送爾平江去榴花照眼時魂銷青玉笛愁縮綠楊

絲板渚留清韻吳楓落晚吹到時秋漸好應譜橘
枝辭

別白巖叔

鬱：城邊樹搖：河上舟竹林凝望眼紅雨滴春
流

舟過連窩驛答別管太學繼呂

長堤渺無極地接魯陽分帆席移村岸行騰落日
曛相逢亦萍水感子獨殷勤一棹頻回首依：沙
上雲

東光縣曉發

輕帆飽挂棘津東驛路迢遙一望中斷岸烟光含
宿雨漫天曙色下晴空離：秋草不禁碧漠：霜
林無藉紅底事行人最愁絕涼雲曉霧叫哀鴻

鹽山界雨泊同彩臣勇氏夜酌

雲鎖遠天碧陰：秋氣生孤舟今夜雨相傍外
城零落鄉關夢淒涼草樹散一尊聊藉慰客路渭
陽情

雨中泊滄州

長波渺：客魂銷烟鎖盟亭柳萬條遠岫來青迷
雁浦暮雲飛碧冷河橋千秋風雅南川路一代循

沉渤海潮坐倚孤蓬頻悵望麻姑城外雨瀟瀟

興濟

兩寨明秋水孤城插碧堙緯蕭漁舍近岸火榜人
親紅亂豆花雨青迷楊柳津廿年源上客重問獨

流濱獨流河名宋置獨流北獨流東二寨

青縣訪同年元暄巖明府話舊即日賦別

二首時值公車北上

燕樹齊雲客夢牽一朝邂逅茂林邊青縣西城舊有茂林脩竹

相將華髮悲今日珍重青衫憶往年官閣芳尊新
雨後中峰明月故人前因君轉憶同門友廿載浮

沉十二緣

草：相逢傍綠蓑匆：又復唱驪歌眼明北海情
如此心逐南宮老奈何射雉臺旁秋水濶峭帆亭
上柳枝多殷勤折贈憐同調勉擬乘槎一溯波

楊柳青候關即事

西風好趁木蘭舟又作津亭半日留夕照光浮闕
闌影遠帆鼓送荻蘆秋紛披青鬢堤邊樹掩映紅
粧水上樓一曲淒清何處笛不禁客思滿滄洲

天津書所見

楊柳桃花接帝畿津門遙峙海濤飛連雲雀隼

帆千疊夾岼魚鹽水一圍霞綺山光凝碧落衣香
人影散秋暉西風繫纜歌散集幾度魂銷緩歸

陌上遊人最盛時七月望日也楊柳桃花二村名

放舟三會口即日

西風吹落日解纜出津門龍捲秋雲黑鷗翻海浪
昏三叉分水色萬櫓急雷奔吟望蓬牕下茫茫沂
大渾

香河晚眺

香河：上路遙接 鳳城東翠落羣峰晚霞飛一
雁紅吳舫晴渚外艷影夕陽中極目川原興聊吟

閭闔風

過駕自叔長安故寓感懷

長安十載歎棲遲好夢方縈又孰炊不見雄才老
車駕祇餘委巷舊藩籬關心秋萼題名日扼腕春
風撤棘時一種纏綿竹林意西州回首淚空垂
讀盧抱孫馬西園近詩因憶風雅舊宗長
安勝事感賦一首

東國騷壇曜日星紛：爭向子雲亭山蘊花謝空
春草蠶尾波洄沒遠汀晚籟吹殘一天碧斜陽冷
落數峰青盧仝馬異來空谷又見金臺雙玉瓶

慈仁寺遇朱子祁

相思不相見忽遇千佛叢離懷何由罄名心此日
同倚松看鬢影把臂問秋風不盡同袍意雲堂落
照紅

京邸感興

雞壇踪跡盡虛空兩度春明感慨中夢寐爭禁沐
上下驅馳已判路西東客魂歷亂悲陰雨詩草紛
拏問谷風酒冷香殘秋事去不堪重憶雁來紅

良鄉道中雨阻投弘恩寺暫憩

驛路雨霏、勿、遊子歸荒岡斜照斂孤塔晚雲

飛萬柳青垂眼千峰翠滴衣前途何處所投憇款
僧扉

送蔚思從弟遊江浙

一路東風送汝行垂楊垂柳聽啼鶯孤裝曉渡邗
溝水細雨春臨白苧城江左山川還昔夢吳門風
物早知名經過尚有甘棠在舊澤應餘隔世情公

曾任
吳撫

松陵芳草映春流綠黛青帘白板舟平望驛南峰
似錦西泠橋上月如鉤交期古道應無恙雨別人
情莫漫求襟被蕭條江上路雁寒楓冷不宜秋

送周文定之粵西北流縣

河橋一杯酒餞爾去羅城楚粵分疆濶山川四月

程鳥啼紅草遍地產紅草水繞碧蓮清碧蓮峰名遙指流杯

處東風萬里情流杯橋名東坡嘗飲於此

題東溪畫

綠篠遍層巒寒林發清響溪堂不見人入目生遙

想

懷盧抱孫

唐園行菜帳孤吹萬里懷人雁信遲雲樹愁寧三

峽夢郵筒香冷一年詩讀書臺畔尋秋日畫扇齋

頭落月時未免有情何處寫花黃酒白總相思

城北河上晚眺

出郊騎馬意遲：十二城邊夕照時極目長河帆

影外寒烟一抹柳千絲

有感

置身有餘地見幾苦不早試問南宮遊何如西園

好

棲：桑與梓落：餘秋色俛仰陌路間中情復何

極

歸來

歸來依舊付窮荒
青草空階薜荔牆
髮影不留前日黑
槐花猶是去年黃
相宜臭味餘茶事
幾許情懷問酒槍
喜得詩篇新上卷
孤吟長嘯晚風涼

送葉仲一遊太原

不留沂水席翻作
太原客岐路訴秋風
此情同脉脉

籬菊

丹：東籬菊西風為剪裁
不知陶令去猶自向人開

齋中菊影

甘谷休相問騷人
空復情一燈開四壁
花外有餘清

丙午三月重遊臨清大寧寺即事二首

流水桃花滿目斑
謝家文物付潺湲
兩江墨妙今何似
海濶天空第一山

大寧寺尚存方晦叔第一山三大字碑並千佛閣海濶一匾額

蘭若重来穀雨前
竹林香積但寒烟
依：片石題

名處回首東風廿五年

康熙辛巳暮春游清淵大寧寺有第一山三字碑歌

屈指重来已廿五年矣

輓李念菴金年十四韻

子榜論交七載期忽聞訣去不勝悲西江水咽長
鯨斷恠雨散流壘夢移十日離羣成永別一朝揮
泪尚多疑何當叢棘欣榮處偏值斯人百六時目
慘桑榆雙白髮形憐縷經兩孤兜光沉萼序科名
譜響寂槐堂仲氏第石几楸枰閒鼠跡桐陰書幌
掩蛛絲生前氣誼原無匹身後人情幸有知品望
邛宜餘子列風徽真是薄夫師仙因佛果渾難識
腹痛腸迴幾度思颯：猗颺催電露垂：皎月想
鬚眉春明未了春闈願絕筆還成絕妙辭念庵病
前猶作
制義一知已惟君今又去孤踪如我欲何為荒唐
篇甚佳

底事馮天問絮酒空餘一首詩

謝盧澹園寄雅雨集並青城茶二首

白雪篇章綠雪芽封題萬里伴瑤華一番珍重開
行篋似遇麻姑癢處爬

文園渴病久相櫻冷澹茶杯幾送迎雅雨散中烹
活火今朝風味試青城

趙址口感興

燕南趙北路迢：往事何堪問柳條只此公車風
雪裏十年三過十三橋

過永慶寺感興

由來物換尋常事，何堪問禹津。穎上前塵無
復挽，秦州故跡又重新。徒教社鼠償初願，誰為壺
城惜此人。寂寂禪關經過處，填胸五岳倍嶙峋。

望華不注

滿目西風感鬢絲，蕭條行李去來時。多情惟有華
峰色，相送相迎翠不移。

水西橋獨眺

山光雲影望參差，正是鵲湖梅雨時。獨立西橋看
水漲，鳧鷖閑卧綠楊垂。

硯思集

小山蘊詩選



濟南 田同之 在田

今體詩卷四

渡汶河



汶水洋洋碧玉流，長隄官柳颺清秋。征人無那銷
魂處，落日西風古渡頭。

望嶧山

迤邐烟村積翠間，嶧陽遙指綠楊灣。蒙叢仙洞浮
雲外，瞥見玲瓏數仞山。

官橋

湯：薛水流漫行官橋路橋畔苦難行楊柳半烟霧

徐州道中

茫：汴泗交流處雲集烟浮襍被過荆口餘風悲
戰壘彭城落日渡黃河金沙遙映孤梁迴玉斗難
銷遺恨多千步球場一憑吊楚山無恙水空波

清流關

石骨巉巖水氣清南唐影落一關橫官程好借關
頭路記取清流兩字名

滁州

漢隸淮南郡羣峰面：青青餘釀泉水名盛醉翁
亭偃月洞名仍遺照飛花澗名尚有馨西風斜日裏竹
影翠沉瀟

七里洲道中

夕陽影亂竹雞鳴七里村烟次第生夾岸霞飛千
嶂合遠帆潮送一江明蓼紅蘋白迷秋浦橘綠橙
黃抱石城歷：蓬窓凝望眼水關遙指暮雲橫

重来白下有感

江左風華六代傳青山流水尚依然兒童竹馬經
曾處今日重来四十年

承恩寺題壁

江南房考例不供僅於入

而橫吏索錢稍厚則逼之使入竟至米

詩此

奎壁分光好僧樓鎮日局窓虛餘烏白

蚊虐較他處倍甚

簷逼障天青寥間三門內關防七事停邗堪危坐

處風雨晝冥：

貢院紀事

鎖院重：霜氣清樓頭簫鼓報寒更三條檠燭心

猶熟五夜秋風夢不成典重賓興思鶚薦文衡江

左愧家教應知此地叨非分勉効勞薪荅 聖明

衡鑒堂填榜因懷白巖叔氏並李星門同

學在家消息

爭看乙榜揭秋風環列冠裳一鏡中漏滴笙簧雞

唱曉香翻桂影燭搖紅槐堂佳夢占遙月茗閣泥

金望遠鴻眼底鹿鳴江上好幾回：首海雲東

烏衣巷

驍騎航邊路遙分溪水香烏衣無舊侶古巷有斜

陽裘馬來何處鶯花別擅場江南癡燕子空復認

華堂

長干寺

靈谷雞籠兩地芳採竒又復問梅岡長干遺事空
陳跡孤塔明燈自佛場法雨光凝諸梵淨娑羅花
帶六朝香到來坐愛馮闌處山鳥江雲繪夕陽

西浦

西浦仙蹤在雲林尚有情約遺瓊簡重愁與玉壺
清輕別人間去空留薄倖名至今流水上猶擬珮
環聲

幕府山

五馬當時渡新亭一語工殷勤開幕府名籍擅江
東柳蔭寒峰碧鴉銜夕照紅偏安遺蹟處終憾冶

城公

雨花臺

一徑長干外香林列畫屏草餘六朝碧臺接衆峰
青花雨漫天異雲光印佛靈謾云空色相此地尚
遺馨

金陵襍詠十四首

秣陵移徙擅雄師天塹長江虎踞宜底事荒唐傳
六代偏於此地插降旗
石頭城下莫愁居一代風流女校書艇子名遺湖
上好樓船戰鼓愧難如

秦淮一渡剩情多桃葉香名問綠蘿人去歌殘團扇冷渡頭無奈鵲橋近以板橋代渡舊跡不復存矣謠

漠：烟篁颺碧梢珍：露柳拂長條行來九曲青溪水漫向東華問七橋

沽酒曾經朱雀桁詩人遺事有輝光一坊碎錦佳名好廢圃爭傳六十房

魏：鍾阜聚山靈玉闕金宮儼畫屏明孝陵在山下不是盛朝崇德意爭禁遺恨訴丹青

青溪：畔綠烟橫楊柳依：動客情一種風流千縷恨不堪把翫向金城

勝地猶存勝事徂賞心亭上柳模糊當年雀相難相稱空付表安卧雪圖

風流一瞬占繁華綺閣春殘玉樹斜賴有多情商女在江頭還譜後蓮花

景陽樓下凭睂井艷冷香消未忍論至竟不隨風雨散燕支猶沁石闌痕井上石闌尚帶紅色

羅浮花片墮春光天送含章殿裏香南國遺風金粉在至今爭竊壽陽粧

一灣月繞靈和殿十里烟籠吳苑城石闌金床何處所祇餘烟月尚多情

言
邀步秦淮舊水濱豪情竟說據床人一散長笛歸
何處碧月依然漾白蘋
濠濮空餘思不禁經時魚鳥尚飛沉荒園林木秋
聲起疑聽當時子夜吟

客懷上首

野燕逐寒

重：雲樹渺鄉關依約華林水石間建業西風潮
正落秦淮暮雨雁初還紅樓花映秋痕艷綠黛光
餘草色殷白下流連重懷古邗堪興廢說三山
僧舍羈遲又一旬筆床茶臼自相親白雲影繫椿
庭遠黃菊花開客夢頻東冶亭邊情脉：孝侯臺

畔意津：幾番觸緒江頭月千里應知共遠人

鳳皇臺謁兩賢祠

頽然存小阜傳是鳳皇臺名勝落餘想竹梧相映
栽清流步兵去明月謫仙來異代同祠廟高風溯
酒杯

舊院

舊院知何似今來問板橋遠山餘翠黛晚吹易商
潮兩岬衣香冷一江花氣遙柳梢新月好無復夜
相邀

雨中江上晚眺

浦淑林巒一望遙風帆片：雨瀟：丹楓葉冷嗟
三楚白浪教悲捲六朝天塹馮教南北限負漚空
遂往來潮淒涼畫角江城晚對此茫：意自憫

觀音巖閣上晚眺

招提隱叢樹一徑石門通竹埽香林淨雲浮紺宇
空錦峰苔繡錯丹壁玉磨礧吟眺馮江閣蒼茫落
日中

弘濟寺僧樓壁上觀王漁洋先生自題渡

江詩時為揚州司理於今七十年矣

司理維舟日曾經精舍遊樓頭餘翰墨江上憶風

流無限南朝怨因來玉笛愁前塵猶未落吟對思

悠：南朝無限傷心史調悵秦淮玉笛教先生渡江句也

江上曉發

江上丹楓冷征人憶故鄉帆歸山送碧浪湧月流
黃吳楚分遙浦星辰散曉霜爭禁天蕩險魂夢亦
茫：

過儀徵縣

布帆無恙大江流兩岍蕭：蘆荻秋一夜濤聲喧
客夢曉風殘月過真州

文選樓在揚州文選卷

路轉文樓巷來登文選樓佳名映邗水明月照千
秋天上精星遠人間慧業留橫山讀書處相對溯
源流

竹西亭

十二樓空蔓草悲竹西歌吹尚參差淒涼散散重
城路喚起詩人杜牧之

方氏園亭

舟泊蕪城日已昏朝來尋勝出西門烟花無復蜀
岡道水石依然方氏園亭外綠楊酣舊雨橋邊紅
葉泥秋痕前蹤歷歷難總空對筠林羨竹孫公先

有方氏園
詩八首

九曲池

上有木蘭
亭場帝建

池環九曲水冷影落平山一帶青殘笛數聲山
水外楊花飛繞木蘭亭

廿四橋

紫玉紅牙映翠翹當時歌舞夜相邀二分明月邗
溝水猶剩銷魂廿四橋

玉鈎斜

鸞綾玉屑情無限錦纜牙樯事可嗟極目依然淮
海月傾城何處廣陵花淒其隋苑空衰柳寂莫雷

塘但晚鴉惟有香名銷不盡行人爭問玉鈎斜

瑣花臺臺上惟冬
青一樹

玉蕊唐昌付劫灰蕃釐往事漫相猜祇餘鴨脚長
廊外一樹冬青覆古臺

騎霍樓

騎霍勞虛想荒唐復此樓腰纏十萬客不少在揚
州

讀徐夫人淑則綠淨軒詩因懷長公渭符

世講

戲馬臺邊唱竹枝江樓山郭影參差三朝繫纜維

揚岸一卷披唵綠淨詩林下朗風溯吳楚房中絕

調愧鬢眉更餘玉樹森蓮幕明月桃源幾夢思渭符

奉委河工時
在桃源一帶

秦郵懷古二首

秦少游

不見秦淮海悵望孟城郭外渚花明野風吹寂

莫

孫莘老

雅量高千載扁舟造半山湖陰明月好疑是弄珠

還

覽社湖寄內

澤國淒清客影孤
霜蓬烟櫂歷寒蕪
閨中謾卜歸期早
小雪初過覽社湖

漂母祠

義名傳漂母祠廟
倚斜暉衰柳圍垣
立饑鳥繞砌飛炊烟
生荻浦霜月冷漁磯
往事爭馮吊原來一飯微

南池勝槩以暮雨不得往遊悵然有作

任城風物望迷離
太白樓高異昔時
遙夜孤舟烟雨裏
南池依舊繞相思
底事更餘吟

魚山道中懷古

歷鹿魚山道氤氲神女祠
寒鴉啄空翠野蔓絡殘碑
梵放清音香文章洛浦遺
數峰雲外冷惆悵建安時

杜亭春興

亭為明侍御盧公南村所築並祀唐杜工部宋杜五郎因以名

亭在畫扇齋之西後售於司徒先公以析產而屬白巖叔氏更營一齋顏曰紅雨春日羣集用王右丞過新昌里訪呂逸人不遇韻

杜亭卜築遠翳塵
曾此南村占隱淪
詩草未迷芳度徑
鶯聲猶吊古歡人
女墻雉影遙分翠
畫扇春風近接鄰
極目不教吟興劇
一番紅雨上魚鱗

言个堂
柳湖送客

柳湖：上柳珍：幾度攀條送客驂底事柳榆渾
不覺此中原未擬終南

雪中迎春花

碧玉枝：映雪深枝頭贏得辟寒金東皇倩爾傳
消息特許先鞭到上林

初春雪中懷吳十一僅良

東風吹雪日冥冥：藉遣春寒酒一經佳客不來梅
信香詩篇空問竹香亭

雄縣道中即事

依然故我還山去無藉東風拂面吹春水光縈蛙
閣：瓦橋夢斷草離：白頭甘避芙蓉鏡青眼空
垂楊柳枝笑指斜陽隄畔影隨人休夏似當時

題凌雲載酒圖為盧抱孫

竒絕平羌上凌雲勝蹟留坡公勞意想載酒溯風
流爾雅臺邊樹大峨峰外樓披圖羨盧徹真作漢
嘉遊

浮雲閣為張虛齋題

高築浮雲閣煇：傍海隅空青憑一派遙翠挹雙
珠大珠小珠海中二山名影幻看來往名住意有無他年傳

繪手綺館合真圖

習政工部因至節慎庫得贍 先司徒公

題名碑記恭誌六韻漢唐鑄造之所隸冬官分銀鑲繡車

四作以三人提轄後專屬虞衡長掌之先公曾蒞此任作題名記勒諸石庫之

有題名自此始

漢唐尚署製造隸冬官四作由來古三人監轄

寬鐵銀並鱗集繡草亦星攢繼屬虞衡長專司節

慎難徘徊新棟宇想像舊衣冠片石題名在徒慙

局外者

賦得忽漫相逢是別筵送盧抱孫之任六

安

忽漫相逢是別筵鯉魚風起雁書天支離燕北嗟

蓬髮悵望江南送玉川驛路寒帷長至後家園祖

帳晚香前高車駟馬重來日記取旗亭畫壁年

閑談龍錄

風雅堂：壁壘開偏師何事苦相猜縱然制勝談

龍口江上屠龍人又來

燕邸重晤峻五克明承示其令子並小阮

詩讀之擊節因成四首

三年誤訪花枝巷今日欣逢蓮子居回首灤源馮

吊處茶烟詩草夢魂餘

老鳳散華已擅竒翩：雛鳳繼風儀清吟一卷開

春草愛煞秦州道上詩

令子春草集佳甚而秦州道中作為尤妙

竹林小阮接芬芳標格森：玉樹旁自是才人耽

別調香奩又見一冬郎

斯道誰從問大乘稻麻搖亂任相凌一門風雅看

羣從老我空慚識路能

高梁橋道中

楊柳青：夾御溝峰迴路轉引雙眸漫天飛絮無

聊賴浪逐東西攬客愁

自得園紀事

水部風流莫漫猜年來學步愧簷才日華今日叨
非分不是無端獻技來

張天池侍御過訪兼示新詩即事賦答二

首

紛：眼底捻如雲翠落羈愁硯欲焚鍵戶不禁縈

古怨逢場怕聽說新聞迂疎安措皆無地風雅招

尋獨有君珍重西河過從處酸醎別味許平分

同調何妨異曲揚邠堪斯道日偏張四唐僅拾齒

牙慧三昧誰重知見香野藪官厨分雅鄭鏡花水

月憶滄浪無邊法雨華嚴界認取霜寒石氣蒼

寓邸即事書感

龍拏蟻鬪向誰論風雨銷殘夢裏魂極目不堪收
白望此身何事滯青門徒深情性沈千運自惜年
華楊巨源落客懷難遣處一枝無賴寄寒暄

和王儀九助教西池看荷原韻

白塔高浮碧水涯宮烟籠繞梵王家淨池香汎開
優鉢團殿氛濃散綺霞雨過峰巒遙翠滴雲移鷗
鷺晚風斜今朝放眼西華路千頃琉璃十丈花

詩太液池邊多白蓮
花開十丈藕如船

輦路塵清雨不泥蓬萊一望五雲迷金鰲影射紅
藻豔玉竦光浮翠蓋齊臺址千門紫夕照橋南萬
柳簇芳堤低回廿載經過地好對西風補舊題

白蓮花

無情復何恨影澹碧波根月白風來處洒然清淨
身

秋雨淫淋關門兀坐即事興懷漫成一首

闌風長雨送朝昏旅館淒清愴客魂那復壯懷銷
劍氣空勞殘墨掃蝸痕蟲散兩耳益東野菜色一
圖安上門太息無人續蠶尾瘦羊佳話倩誰論

太學蘭亭序石刻

宋榻紛拏此獨傳墨王遺妙尚依然 御書樓上

蘭亭序勝地移來三百年 冬夜箋記云蘭亭石刻
明初移自天師菴土中

宋榻本存世
者此為第一

石鼓

邈：陳倉碣磈：歷劫多韓蘇歸去後知已復如
何

底事形如鼓符彼河圖數踪蹟是耶非老石無由
訴

家鄉羅酒至因約同寅諸君小飲率成四

首

玉露冰花作酒材羅家歲：潑新醅燕南趙北來

千里珍重康王水一杯 漁洋詠羅酒詩清冷錯認
康王水風韻還宜叔夜杯

風懷澹宕推韋柳滴：醞醘五字詩同調幸逢羅

醞好雪總一卷正吟時

年來貌繫松范：悔別青山暗斷腸幸得麴生解

憐我醉鄉渾是水雲鄉

尊酒論文好共期蕭然六館歲寒時殷勤相約憑

斟酌風味淒清我輩宜

送峻克明督餉出塞

年來西北餉師頻督餉今推第五倫二月長安折
楊柳一天風雪送詩人朔雲影暗黃屋路塞雁聲
遲黑峪春此去間關吟思苦歸來潘鬢料如銀
曉為二毛頭已矣

送王元佐明經歸象山大椿滋樾蔭

集賢門外柳塵黃驪唱匆々客斷腸磊隗惟餘馮
石鼓英華何處說文章六堂老樹春無色千里長
空雁不行異氣豐城終有識象山歸去可行藏

絕句

紫塞邊開九萬程玉門關外盡降城笑他優孟衣

冠葷今日猶誇定遠名

題馮舍人詩序後

西清才調自翩翩六藝終難與並傳邾莒何妨秦
楚後黨同伐異誤晴川

送雷貫一庶常假省歸里

暫假柘湖去言追堂上歡烟樓接縹緲慈竹仰檀
藥遮莫新雲好曾經舊雨寒因君感心曲折柳惜
春殘

櫻桃

第三名舊譜韎韜竟紛擊艷色由来好爭堪問石

家

論詩

才調相沿天籟清英靈間氣各縱橫由他百代談
風雅義理爭禁入四聲昔人云宋人以義理入
四聲則風人之旨遠矣
雅鄭名分路已岐別裁偽體有微辭琵琶不少崑
崙手就裏何人是改師

大意無多象色空傍山梯壁松情、妙來一悟經
明證獨立空山雨雪中

漁洋一派唐三昧抉出詩人第一班先公論
詩句賴有
論詩：句在千秋應自識廬山

送趙東籬歸山陰

東籬踪跡寄幽燕漉酒尋詩四十年高士不忘鷗
鷺夢鑑湖一櫂意蕭然

南亭淹滯鬢頽衰吳楚爭堪首重回萬壑千巖應
共笑先生何事始歸來

中秋

三年為客嘆無由漫浪爭堪詠四愁極目白雲空
張望玉泉：上月輪秋

今日

今日復明日孤踪安可論陸沉雙鬢影塊鞠一燈

痕秋色有深意黃花非故園耽吟亦何益聊自寄
朝昏

送朱霞山下弟歸武林

勿：折柳倍含情况復蕭條是此行詩格徒聞推
叔嗣文章誰解愧昌平青衫影落西冷月黃葉風
殘土雁聲幸際重華多雨露應須回首望春明
再送霞山兼寄令弟並年

官寒地冷不堪論詩思空餘襍酒痕無那孤鶩復
雲散花南硯土松銷魂

黃菊花深送客車五年心跡各紛拏相逢仲氏如

相問為道年：憶鵲華

即事感興因東沈歸愚鴻博

老去詞場枉乞靈那須作意羨鴻冥茫：春草夢
中綠歷：寒山愁外青華子岡頭尋賸馥山薑花
裏抱遺經餘波此日爭瀾漫合倩休文別渭涇



言介年

Blank lined writing area with vertical columns.



